

## 27 февраля. Пятница 1-й недели поста. Ёверской иконы Божией Матери

### Литургия Преждеосвященных Даров. Вечерня

*Диакон, по обычаю, став на амвоне, возглашает:*

Благослови Владыко.

*Священник, стоя перед святым престолом по обычаю произносит возглас:*

Благословено Царство Отца и Сына, и Святаго Духа, ныне и присно, и во веки веков.

**Лик: Аминь.**

**Чтец:** Приидите, поклонимся Царёви нашему Бóгу.

Приидите, поклонимся и припадём Христу́ Царёви нашему Бóгу.

Приидите, поклонимся и припадём Самому́ Христу́, Царёви и Бóгу нашему.

#### Псалом 103

Благослови́, душе́ моя, Го́спода. Го́споди, Бо́же мой, возвели́чился еси́ зело́. Во испове́дание и в велеле́поту облéклся еси́. Оде́йся свéтом, я́ко ризо́ю, простира́яй не́бо, я́ко ко́жу. Покрыва́яй вода́ми превы́спренняя Своя́, полага́яй о́блаки на восхожде́ние Своё, ходя́й на крилу́ вéтреню. Творя́й А́нгелы Своя́ дýхи и слуги́ Своя́ пла́мень о́гненный. Основáяй зéмлю на твёрди ея́, не преклони́тся в век ве́ка. Бёздна, я́ко риза, одея́ние ея́, на гора́х ста́нут во́ды, от запрещéния Твоего́ побёгнут, от гласа грóма Твоего́ убоятся. Восхо́дят го́ры и нисхо́дят поля́ в мéсто, е́же основáл еси́ им. Преде́л положи́л еси́, е́гоже не прейдут, ниже́ обратят́ся покры́ти зéмлю. Посыла́яй исто́чники в де́брех, посреде́ гор прóйдут во́ды. Напáют вся звéри сéльныя, ждут она́гри в жа́жду свою́. На тых́ пти́цы небёсныя привита́ют, от среде́ы ка́мения да́дут глас. Напáяяй го́ры от превы́спренних Свои́х, от плода́ дел Твои́х насы́тится земля́. Прозяба́яй траву́ скотом, и злак на слúжбу челове́ком, извести́ хлеб от земли́. И вино́ веселит́ сёрдце челове́ка, ума́стити лице́ елеем, и хлеб сёрдце челове́ка укрепит. Насы́тятся древа́ польская́, ке́дри Ливáнстии, ихже еси́ насади́л. Тамо́ пти́цы вогнездят́ся, еродиево жили́ще предводит́ельствует ими́. Го́ры высóкия еленем, ка́мень прибе́жище зáяцем. Сотвори́л есть луну́ во времена́, со́лнце позна́ за́пад свой. Положи́л еси́ тму, и бысть но́щь, в нейже прóйдут вси звéрие дубра́внии. Скíмни рыка́ющи, восхитити и взыска́ти

27 февраля. Пятница 1-й недели поста. Йверской иконы Божией Матери

от Бóга пи́щу себе́. Возсия́ со́лнце и собра́шася и в ло́жах свои́х ля́гут. Изы́дет челове́к на де́ло свое́ и на де́лание свое́ до ве́чера. Я́ко возве́личишася дела́ Твоя́, Го́споди, вся премúдростию сотвори́л еси́, испо́лнися земля́ тва́ри Твоея́. Си́е мо́ре вели́кое и простра́нное, та́мо га́ди, и́мже несть числа́, живóтная ма́лая с вели́кими, та́мо корабли́ препла́вают, змий сей, егóже созда́л еси́ руга́тися е́му. Вся к Тебе́ ча́ют, да́ти пи́щу им во бла́го вре́мя. Да́вшу Тебе́ им соберу́т, отве́рзшу Тебе́ ру́ку вся́ческая испо́лнятся бла́гости, отве́рзшу же Тебе́ лице́, возме́ются, оты́меша дух их, и исче́знут, и в персть свою́ возвратя́тся. По́слеши Ду́ха Твоего́, и сози́ждутся, и обнови́ши лице́ земли́. Бúди сла́ва Господня́ во ве́ки, возвесели́тся Господь о де́лах Свои́х, призира́я на зе́млю, и творя́я ю́ трясти́ся, прикаса́йся гора́м, и дымя́тся. Воспою́ Господеви́ в животе́ моём, пою́ Бо́гу моему́, до́ндеже есмь, да услади́тся Е́му бесе́да моя́, аз же возвеселю́ся о Господе. Да исче́знут грéшницы от земли́, и беззако́нницы, я́коже не бы́ти им. Благослови́, душе́ моя́, Го́спода.

Со́лнце позна́ запа́д свой. Положи́л еси́ тму, и бысть но́щь. Я́ко возве́личишася дела́ Твоя́, Го́споди, вся премúдростию сотвори́л еси́.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же *(трижды)*.

### Ектения великая

**Диакон:** Мíром Го́споду помо́лимся.

**Лик:** Го́споди, помíлуй. *(на каждое прошение)*

**Диакон:** Пресвяту́ю, Пречи́стую, Преблагослове́нную, Сла́вную Влады́чицу на́шу Богороди́цу и Присноде́ву Мари́ю со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

**Лик:** Тебе́, Го́споди.

**Священник:** Я́ко подоба́ет Тебе́ вся́кая сла́ва, честь и поклонéние, Отцу́, и Сы́ну, и Свято́му Ду́ху, ны́не и прísно, и во ве́ки веко́в.

**Лик:** Ами́нь.

### Кафизма 18

*Во время чтения первого антифона раскрывается антиминос, переносится на престол дискос и совершается поклонение; св. Агнец перекадывается на дискос и снова совершается поклонение.*

## Первая статья 18 кафисмы

### Псалом 119

Ко Господу, внемди скорбети ми, воззвах, и услыша мя. Господи, избави душу мою от устен неправедных и от языка лстива. Что дастся тебе, или что приложится тебе к языку лстиву? Стрелы сильного изошрены, со угльми пустынными. Уви мне, яко пришельствие мое продолжися, вселихся с селении Кидарскими. Много пришельствова душа моя, с ненавидящими мира бех мирен: егда глаголах им, боряху мя туне.

### Псалом 120

Возведох очи мои в горы, отнюдуже приидет помощь моя. Помощь моя от Господа, сотворшаго небо и землю. Не даждь во смятение ног твоих, ниже воздремлет храняй тя, се не воздремлет, ниже уснет храняй Израиля. Господь сохранит тя, Господь покров твой на руку десную твою. Во дни солнце не ожжет тебе, ниже луна нощию. Господь сохранит тя от всякаго зла, сохранит душу твою Господь. Господь сохранит вхождение твое и исхождение твое, отныне и до века.

### Псалом 121

Возвеселихся о рекших мне: в дом Господень поидем. Стояще бяху ноги наша во дворех твоих, Иерусалиме. Иерусалим зиждемый яко град, емуже причастие его вкупе. Там бо въздоща колена, колена Господня, свидение Израилево, исповедатися имени Господню, яко там седоща престолы на суд, престолы в дому Давидове. Вопросите же яже о мире Иерусалима: и обилие любящим тя. Буди же мир в силе твоей и обилие в столпостенех твоих. Ради братьий моих и ближних моих глаголах убо мир о тебе. Дому ради Господа Бога нашего възсках благая тебе.

### Псалом 122

К Тебе возведох очи мои, живущему на небесех. Се яко очи раб в руку господий своих, яко очи рабыни в руку госпожи своея, тако очи наши ко Господу Богу нашему, дондеже ущедрит ны. Помилуй нас, Господи, помилуй нас, яко по многу исполнихомся унижения, наипаче наполнися душа наша поношения гобзующих и унижения гордых.

### Псалом 123

Яко аще не Господь бы был в нас, да речет убо Израиль, яко аще не Господь бы был в нас, внемди востати человеком на ны, убо живых пожерли быша нас, внемди прогневатися ярости их на ны, убо вода потопила бы нас. Поток преиде душа наша, убо преиде душа наша воду непостоянную. Благословен Господь, Иже не даде нас в ловитву зубом их. Ду-

27 февраля. Пятница 1-й недели поста. Ёверской иконы Божией Матери

ша́ на́ша, яко пти́ца изба́вися от се́ти ловя́щих: сеть сокруши́ся, и мы изба́влени бы́хом. По́мощь на́ша во и́мя Го́спода, сотво́ршаго не́бо и зе́млю.

**Чтец:** Сла́ва Отцу́ и Сы́ну и Свято́му Ду́ху, и ны́не и прісно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. *(Трижды).*

#### Малая ектенія

**Диакон:** Па́ки и па́ки ми́ром Го́споду помóлимся.

**Лик:** Го́споди, помíлуй.

**Диакон:** Заступи́, спаси́, помíлуй и сохрани́ нас, Бо́же, Твоею́ благода́тию.

**Лик:** Го́споди, помíлуй.

**Диакон:** Пресвяту́ю, Пречи́стую, Преблагослове́нную, Сла́вную Влады́чицу нашу Богоро́дицу и Присноде́ву Мари́ю, со все́ми святы́ми помяну́вше, са́ми себе́ и друг дру́га, и весь живóт наш Христу́ Бо́гу преда́дим.

**Лик:** Тебе́, Го́споди.

**Священник:** Яко Ты еси́ Бог наш, и Тебе́ сла́ву воссыла́ем, Отцу́ и Сы́ну, и Свято́му Ду́ху, ны́не и прісно, и во ве́ки веко́в.

**Лик:** Ами́нь.

#### Вторая статья 18 кафисмы

##### Псалом 124

Наде́ющіися на Го́спода, яко гора́ Сион: не подви́жится в век живы́й во Иерусали́ме. Го́ры о́крест его́, и Госпо́дь о́крест люде́й Свои́х отны́не и до ве́ка. Яко не оста́вит Госпо́дь жезла́ грешных на жре́бий пра́ведных, яко да не прóструт пра́веднии в беззакóния рук свои́х. Ублажи́, Го́споди, бла́гия и пра́выя се́рдцем. Уклоня́ющыяся же в развраще́ния отведёт Госпо́дь с де́лающими беззакóние. Мир на Изра́иля.

##### Псалом 125

Внегда́ возврати́ти Го́споду плен Сионь, бы́хом яко утешени. Тогда́ испол́нишася ра́дости уста́ на́ша и язы́к наш весели́я, тогда́ реку́т во язы́цах: возвели́чил есть Госпо́дь сотвори́ти с ни́ми. Возвели́чил есть Госпо́дь сотвори́ти с на́ми: бы́хом веселя́щеся. Возврати́, Го́споди, плене́ние на́ше, яко пото́ки ю́гом. Се́ющии слеза́ми, ра́достью по́жнут. Ходя́щии хо́ждаху и пла́кахуся, метáюще се́мена своя́, грядúще же при́дут ра́достью, взёмлюще руко́яти своя́.

Псалом 126

Аще не Господь созиждет дом, все трудися зидущи. Аще не Господь сохранит град, все бде стрегий. Все вам есть утревати, встанете по седении, ядущи хлеб болезни, егда даст возлюбленным Своим сон. Се достояние Господне сынове, мзда плода чревняго. Яко стрелы в руке сильнаго, тако сынове отрясенных. Блажен, иже исполнит желание свое от них. Не постыдятся, егда глаголют врагом своим во врагах.

Псалом 127

Блажени вси боящиеся Господа, ходящие в путех Его. Труды плодов Твоих снеси: блажен еси, и добро тебе будет. Жена твоя, яко лоза, плодovitа в странах дому твоего, сынове твои, яко новосаждения масличная, окрест трапезы твоея. Се тако благословится человек бояйся Господа. Благословит тя Господь от Сиона, и узриши благая Иерусалима вся дни живота твоего, и узриши сыны сынов твоих. Мир на Израиля.

Псалом 128

Множицею бращася со мною от юности моея, да речет убо Израиль: множицею бращася со мною от юности моея, ибо не премогаша мя. На хребте моем делаша грешницы, продолжisha беззаконие свое. Господь праведен ссече вья грешников. Да постыдятся и возвратятся вспять вси ненавидящие Сиона. Да будут, яко трава на здох, яже прежде восторжения изсше, еюже не исполни руки своея жнй, и недра своего рукояти собираяй, и не реша мимоходящие: благословение Господне на вы, благословихом вы во имя Господне.

**Чтец:** Слава Отцу и Сыну и Святому Духу, и ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. *(Трижды).*

Малая ектения

**Диакон:** Паки и паки миром Господу помолимся.

**Лик:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Лик:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Лик:** Тебё, Гóсподи.

**Священник:** Яко Ты еси Бог наш, и Тебё славу воссылаём, Отцú и Сыну, и Святому Дúху, ныне и присно, и во вёки веков.

**Лик:** Амíнь.

### Третья статья 18 кафисмы

#### Псалом 129

Из глубины́ възвахъ к Тебё, Гóсподи, Гóсподи, услыши глас мой. Да бóдут úши Твои́ внёмлюще гласу молёния моего́. Аще беззакония́ нáзриши, Гóсподи, Гóсподи, кто постоит? Яко у Тебё очищёние есть. Имене́ ради Твоего́ потерпéх Тя, Гóсподи, потерпé душá моя в слóво Твое́, уповá душá моя на Гóспода. От стражи́ úтренния до нóщи, от стражи́ úтренния да упова́ет Израи́ль на Гóспода. Яко у Гóспода мило́сть, и мно́гое у Него́ избавлёние, и Той изба́вит Израи́ля от всех беззаконий егó.

#### Псалом 130

Гóсподи, не вознесёся сёрдце моё, ниже́ вознесóстеся óчи мои́, ниже́ ходи́х в вели́ких, ниже́ в дивныхъ пáче мене́. Аще не смиреномóдрствоввах, но вознесóх дúшу мою́, яко отдоённое на мáтерь свою́, тако́ воздáси на дúшу мою́. Да упова́ет Израи́ль на Гóспода, отны́не и до вёка.

#### Псалом 131

Помяни́, Гóсподи, Дави́да и всю крóтость егó: яко кля́тся Гóсподеви, обеща́ся Бóгу Иáковлю: аще вни́ду в селёние до́му моего́, или́ взы́ду на одр постёли моея́, аще дам сон очы́ма мойма́ и ве́ждама мойма́ дрема́ние, и поко́й скрани́ама мойма́, дóндеже обря́щу мёсто Гóсподеви, селёние Бóгу Иáковлю. Се слы́шахом я́ во Евфра́фе, обрето́хом я́ в полях дубра́вы. Вни́дем в селёния Егó, поклонимся на мёсто, иде́же стоя́сте но́зе Егó. Воскресни́, Гóсподи, в поко́й Твой, Ты и кивóт святы́ни Твоея́. Священни́цы Твои́ облеку́тся правдо́ю, и преподо́бнии Твои́ возра́дуются. Дави́да ради́ раба́ Твоего́ не отврати́ лице́ помáзаннаго Твоего́. Кля́тся Господь Дави́ду истиною́ и не отвер́жется ея́: от плода́ чре́ва твоего́ посажду́ на престóле твоём. Аще сохраня́т сы́нове твои́ заветъ Мой, и свидёния Моя́ сия́, имже научу́ я́, и сы́нове их до вёка сядут на престóле твоём. Яко избра́ Господь Си́она, изво́ли и́ в жили́ще Себе́. Сей поко́й Мой во век вёка, zde вселю́ся, яко изво́лих и́. Лови́тву егó благословля́яй благословлю́, ни́щыя егó насы́щу хлёбы, священники́ егó облеку́ во спасёние, и преподо́бнии егó радóстию возра́дуются. Та́мо возвращу́ рог Дави́дови, уго-

27 февраля. Пятница 1-й недели поста. Ёверской иконы Божией Матери

товах светильник помазанному Моему. Враги его облеку студом, на нем же процветет святыня Моя.

#### Псалом 132

Се что добро, или что красно? Но еже жити братии вкупе. Яко миро на главе, сходящее на браду, браду Аарону, сходящее на ометы одежды его, яко роса Аермонская сходящая на горы Сионския, яко тамо заповеда Господь благословение и живот до века.

#### Псалом 133

Се ныне благословите Господа вси раби Господни, стоящи в храме Господни, во дворех дому Бога нашего, В нощех воздежите руки ваша во святая, и благословите Господа. Благословит тя Господь от Сиона, сотворивый небо и землю.

**Чтец:** Слава Отцу и Сыну и Святому Духу, и ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. *(Трижды).*

#### Малая ектения

**Диакон:** Паки и паки миром Господу помолимся.

**Лик:** Господи, помилуй.

**Диакон:** Заступи, спаси, помилуй и сохрани нас, Боже, Твоею благодатию.

**Лик:** Господи, помилуй.

**Диакон:** Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

**Лик:** Тебе, Господи.

**Священник:** Яко Ты еси Бог наш, и Тебе славу воссылаем, Отцу и Сыну, и Святому Духу, ныне и присно, и во веки веков.

**Лик:** Аминь.

#### Стихиры на «Господи, воззвах»

**Канонарх:** Глас 5, Господи, воззвах к Тебе, услыши мя.

**Лик:** Гóсподи, воззвáх к Тебé, услýши мя./ Услýши мя, Гóсподи./ Гóсподи, воззвáх к Тебé, услýши мя:/ вонмí глáсу молéния моего,/ внегда́ воззвáти ми к Тебé.// Услýши мя, Гóсподи.

Да испрáвится молíтва моя,/ я́ко кадíло пред Тобóю,/ воздея́ние руку́ моёю/ жéртва вечерняя. // Услýши мя, Гóсподи.

**И по чину стихи:** Положи́, Гóсподи, хранéние устóм мо́им, и дверь ограждéния о устнáх мо́их. Не уклони́ сéрдце моé в словеса́ лукавствия, непщевáти вины́ о гресéх, с челове́ки дéлающими беззакóние, и не сочтýся со избрáнными их. Накáжет мя прáведник мíлостию и обличíт мя, елéй же грéшнаго да не нама́стит главы́ моея́, я́ко ещё́ и молíтва моя́ во благоволéниях их. Пожéрты бы́ша при кáмени судий́ их: услýшатся глаго́ли мо́и, я́ко возмогóша. Я́ко то́лща земли́ просéдeся на земли́, расточíшася кóсти их при áде. Я́ко к Тебé, Гóсподи, Гóсподи, óчи мо́и: на Тя упова́х, не отымí дýшу мою́. Сохрани́ мя от сéти, ю́же соста́виша ми, и от соблáзн дéлающих беззакóние. Падýт во мрéжу свою́ грéшницы: един есмь аз, дондеже пре́йду. Глáсом мо́им ко Гóсподу воззвáх, глáсом мо́им ко Гóсподу помолíхся. Пролíю пред Нíм молéние моé, печáль мою́ пред Нíм возвещú. Внегда́ исчезáти от мене́ дýху моемú и Ты позна́л еси́ стези́ моя́: на путí сém, по немúже хождáх, скрýша сéть мнé. Смотря́х одеснóю и возгля́дах, и не бé зная́ мене́: погíбе бéгство от мене́, и нéсть взыскáяй дýшу мою́. Воззвáх к Те-

27 февраля. Пятница 1-й недели поста. Ёверской иконы Божией Матери

бё Гóсподи, рёх: ТЫ еси уповáние моё, чáсть моя еси на земли живы́х. Вонми́ молéнию моемú, я́ко смири́хся зело́, избáви мя от гонящих мя, я́ко укрепíшася пáче мене́.

**На 10, стихиры:** Изведи́ из темни́цы ду́шу мою́, /  
исповéдатися и́мени Твоемú.

Суббота 1-й седмицы Великого поста на 2

Приидите, вёрнии, / дéлаим во свéте делá Бóжия, / я́ко во дни благообразно хóдим: / всякое неправедное списáние от себе́ бли́жняго оты́мем, / не полага́юще претыкáния семú в собла́зн. / Оста́вим плóти сладостра́стие, / возрастíм души́ даровáния, / дад́им трéбующим хлеб, / и пристúпим Христú в покая́нии вопи́юще: // Бóже наш, помíлуй нас.

**Стíх:** Мене́ ждут пра́ведницы /  
до́ндеже возда́си Мне.

Приидите, вёрнии, / дéлаим во свéте делá Бóжия, / я́ко во дни благообразно хóдим: / всякое неправедное списáние от себе́ бли́жняго оты́мем, / не полага́юще претыкáния семú в собла́зн. / Оста́вим плóти сладостра́стие, / возрастíм души́ даровáния, / дад́им трéбующим хлеб, / и пристúпим Христú в покая́нии вопи́юще: // Бóже наш, помíлуй нас.

Ёверской иконы Божией Матери (перенос с 12 февраля ст.ст.) на 4

**Глас 5. На 8, стíх:** Из глубины́ воззва́х к Тебе́ Гóсподи, /  
Гóсподи, услы́ши глас мой.

Красуйся, Афоне, / радуйся и веселися, обíтель Иверская: / се бо грядет чúдная икона Богоматере, / А́нгелы по

морю дориноси́ма,/ светом неизреченным сия́ющи,/ мрак скорбе́й и печалей прогоня́ющи// и всех лучами сво́ея милости озаря́ющи.

**Стíх:** Да бу́дут у́ши Тво́й /  
внёмлюще гла́су молéния моего́.

Тебе́ припа́дают, Госпоже,/ ёноков ли́цы и по́стников сословия/ и, любéзно взирающе на святу́ю икону Твою́, вопи́ют Ти:/ прииди́ к нам, Благая Мати,/ ущедри чтущия Тя/ и даруй нам святы́й образ Твой// в залог милости и спасения.

**На 6, стих:** Аще беззакóния на́зриши, Го́споди, Го́споди, кто постои́т? /  
Яко у Тебе́ очище́ние есть.

О, пресла́внаго чудесе́!/ Якоже бо Моисе́ю в Синáи купина явился иногда,/ огнем у́бо опаляема и невредíма пребывши,/ сице и Всенепорочныя Богородительницы образ огнем одевается, но неопали́м пребывает,/ просвещая и нас, сущих во мра́це,// и невредимы в пещи́ искушений и бед сохраня́я.

**Стих:** Имене ра́ди Твоего́ потерпéх Тя, Го́споди, потерпé душá моя в слóво Твоё, /  
упова́ душá моя на Го́спода.

Гряди́, Гаври́иле,/ снiди немóкренными ногами в море/ и приими́ во объ́ятия икону Богоматере/ на радость Афону,/ на ограждение обители Иверския// и всем христиáном во утешéние.

**Глас 2. На 4, стих:** От стра́жи у́тренния до но́щи, от стра́жи у́тренния, /  
да упова́ет Изра́иль на Го́спода.

Суббота 1-й седмицы Великого поста на 4

Приидіте, мучениколёбцы вси,/ духо́вно возвесели́мся, и торжеству́им:/ днесь бо предлага́ет трапезу та́йную мученик Феодор,/ веселя́щую празднolюбцев нас,/ ёже вопіти к нему́:/ раду́йся, страсотёрпче непобеді́мый,/ прещёния мучителей на земли́ разорі́вый./ Раду́йся, брénное твоё тёлo за Христа́ Бóга отда́вый мукам./ Раду́йся, в различных бедахъ искúсный во́ин явívыйся небёснаго во́инства./ Тёмже мо́лим тя, мучеников украше́ние, // моли́ся о душах на́ших.

**Стух:** Яко у Го́спода мило́сть, и мно́гое у Него́ избавле́ние, / и То́й изба́вит Израі́ля от всёх беззако́ний его́.

Богодарова́нную благода́ть чудёс твоих,/ мучениче Феодо́ре, всем простира́еши,/ ве́рою к тебе́ притека́ющим./ Ёюже хва́лим тя, глаго́люще:/ пленённые избавля́еши, исцеля́еши боля́щия,/ ни́щия обогаща́еши, и спаса́еши пла́вающия,/ сýетное течёние удержава́еши рабо́в,/ и тщеты́ явлёние тво́риши украда́ющим, страда́льче,/ и во́ины наказу́еши восхищё́ния огребáтися,/ младёнцем да́руеши мило́стивно проше́ния,/ тёплый обрета́ешися предста́тель творя́щим твою́ священную па́мять./ С ни́миже и нам, страда́льче священнейший,/ воспева́ющим твоё мучёние, // проси́ у Христа́ ве́лию мило́сть.

**На 2, стух:** Хваліте Го́спода вси язы́цы, / похваліте Его́ вси лю́дие.

Дар Бóжий превы́шший показáлся есѣ, мучениче Феодоре:/ зане́ и по кончѣне́ яко жив притека́ющим дае́ши проше́ния./ Те́мже сы́ну восхище́нну жены́ иногда́,/ плененну́ иновѣрны-ми во́ины,/ предста́вши вдови́ца слезáми храм твой мо-ча́ше./ Ты же́ яко мѣлостив на коне́ бѣлом нашѣд,/ сея́ отро-ка предста́вил есѣ́ невидимо:/ и посѣм и с сим дѣ́йствуяй чудесы́, не престáл есѣ́.// Но моли́ Христа́ Бóга спастѣ́ся ду-шáм нáшим.

**Стух:** Яко утвердѣ́ся мѣлость Егó на нáс, / и ѣстина Господня́ пребывáет во вѣк.

Божѣственных дарóв тезоименѣ́та ты чту, треблаже́нне Феодоре:/ свѣ́та бо божѣственнаго незаходѣ́мое свѣ́тло явлѣ́й-ся,/ уяснѣ́л есѣ́ страданьми твоими́ всю тварь:/ и огня́ силь-нѣ́йший явѣ́лся,/ пла́мень угасѣ́л есѣ́,/ и льстѣ́ваго змѣя гла-вú сокрушѣ́л есѣ́./ Те́мже во страданѣ́ннх твоѣ́х Христóс при-клонѣ́лся,/ венча́ божѣственную главú твою́, великомучени-че страдáльче,/ яко имѣ́яй дерзнове́ние к Бóгу,// приле́жно моли́ся о душáх нáших.

**Слáва, глас 6:**

Слава Отцú, и Сы́ну, и Свято́му Дúху.

Сосúда употребѣ́в враг соотстúпника мучѣ́теля,/ умышлѣ́ни-ем лю́тым,/ постóм очища́ющияся лю́ди благочестѣ́выя,/ от сквѣ́рных жертв, осквернѣ́нными бра́шны окуша́шеся осквернѣ́ти:/ но ты óнаго ухищре́ние мудрѣ́йшим разрушѣ́л есѣ́ умышлѣ́нием,/ во сне предста́л есѣ́ тогда́шнему ар-

хиерёю,/ и глубóкое рáзума открывáя,/ и безмéстное начи-  
нáние являя./ И тебе́ ўбо благодарственнáя приносяще,/  
спáса напи́суюем,/ лётное воспоминáние б́вшаго чудесé  
творяще:/ и прóчее моля́щися,/ от умышлénий лука́ваго не-  
вредíмым спаст́ся,/ к Бóгу тво́ими молíтвами,// м́чениче  
Феóдоре.

*И ныне, глас 4:*

И н́ине, и пр́сно, и во вéки векóв. Амíнь.

Їже Тебé рáди Богоотéц прорóк Давíд/ пёсненно о Тебé  
провозгласí/ вели́чия Тебé Сотвор́шему,/ предстá Царíца  
одеснóю Тебé,/ Тя бо Мáтерь, Ходáтаицу Животá показá,/  
без отцá из Тебé вочеловéчится благово́ливый Бог,/ да  
Свой пáки обновít óбраз, истлéвший страстьми́,/ и заблú-  
ждшее горохíщное обрёт овчá,/ на рáмо воспри́м, ко Отцú  
принесёт/ и Своемú хотéнию/ с Небéсными совокупít Сíла-  
ми,/ и спасёт, Богорóдице, мир// Христóс, имéяй вéлию и бо-  
гáтую мíлость.

**Вход с кадилом или с Евангелием**

*В конце же стихир диакон (или священник) возглашает:* Премудрость, прости.

**Вечерняя песнь Сыну Божию**

Свёте Тíхий святýя слáвы,/ Безсмёртнаго, Отцá Небéснаго,/  
Святáго Блажénнаго, Иисúсе Христé./ Пришédше на зáпад  
сóлнца,/ вíдевше свет вечерний,/ поём Отцá, Сýна и Свя-  
тáго Дúха, Бóга./ Достóин есí во вся временá/ пёт б́йти гла-

сы преподобными,/ СЫне Божий, живёт дай,// тёмже мир  
Тя славит.

**Диакон:** Вонмем.

**Священник:** Мир всем.

**Лик:** И духови твоёму.

**Диакон:** Премудрость. Вонмем.

**Чтец:** Прокимен, глас 5: Услышит тя Господь / в день печали.

**Лик:** Услышит тя Господь / в день печали.

**Чтец: Стих:** Защитит тя имя Бога Иаковля.

**Лик:** Услышит тя Господь / в день печали.

**Чтец:** Услышит тя Господь

**Лик:** в день печали.

**Диакон:** Премудрость.

**Чтец:** Бытия чтение.

**Диакон:** Вонмем.

**Чтец:** Нарече Адам именa всем скотом, и всем птицам небесным, и всем зверем земным, Адаму же не обретеся помощник подобный ему. И наложит Бог изступление на Адама, и успе: и взя едино от ребр его, и исполни плотию вместо его. И созда Господь Бог ребро, еже взя от Адама, в жену, и приведе ю ко Адаму. И рече Адам: се ныне кость от костей моих, и плоть от плоти моя: сия наречется жена, яко от мужа своего взята бысть сия. Сего ради оставит человек отца своего и мать, и прилепится к жене своей, и будета два в плоть едину. И беста оба нага, Адам же и жена его, и не стыдятся. Змий же бе мудрейший всех зверей сущих на земли, ихже сотвори Господь Бог. И рече змий жене: что яко рече Бог: да не ясте от всякаго древа райскаго? И рече жена змию: от всякаго древа райскаго ясти будем. От плода же древа, еже есть посреде рая, рече Бог, да не ясте от него, ниже прикоснетесь ему, да не умрете. И рече змий жене: не смертию умрете. Ведяше бо Бог, яко вонже аще день снете от него, отверзутся очи ваши, и будете яко бози, ведяще доброе и лукавое. И виде жена, яко добро древо в снедь, и яко угодно очима видети, и красно есть, еже разумети: и вземши от плода его, яде: и даде мужу своему с собою, и

ядоста. И отверзосася очи обема, и разумеша, яко нази беша, и сшиста листвие смоковное, и сотвориста себе препоясания. И услышаста глас Господа Бога, ходяща в рай по полудни: и скрестася Адам же и жена его от лица Господа Бога посреде древа райскаго. И призва Господь Бог Адама, и рече ему: Адаме, где еси? И рече ему: глас слышах Тебе ходяща в рай, и убояхся, яко наг есмь, и скрехся. И рече ему Бог: кто возвести тебе, яко наг еси, аще не бы от древа, егоже заповедах тебе, сего единого не ясти, от него ял еси? И рече Адам: жена, юже дал еси со мною, та ми даде от древа, и ядох. И рече Господь Бог жену: что сие сотворила еси? И рече жена: змий прельсти мя, и ядох. И рече Господь Бог змию: яко сотворил еси сие, проклят ты от всех скотов, и от всех зверей земных: на персех твоих и чреве ходити будеши, и землю снеси вся дни живота твоего. И вражду положу между тобою, и между женою, и между семенем твоим, и между семенем той: той твою блюсти будет главу, и ты блюсти будеши его пяту. И жена рече: умножая умножу печали твою, и воздыхания твою, в болезнях родиши чада, и к мужу твоему обращение твое, и той тобою обладати будет. И Адаму рече: яко послушал еси гласа жены твоея, и ял еси от древа, егоже заповедах тебе сего единого не ясти, от него ял еси: проклята земля в делех твоих, в печалех снеси тую вся дни живота твоего. Терния и волчцы возрастит тебе, и снеси траву селную. В поте лица твоего снеси хлеб твой, дондеже возвратишия в землю, от неяже взят еси: яко земля еси, и в землю отидеши. И нарече Адам имя жены своею Жизнь, яко та мати всех живущих.

**Диакон:** Премудрость. Воннем.

**Чтец:** Прокимен, глас 6: Вознесися Господи, силою Твоею, / воспоем и поем силы Твоя.

**Лик:** Вознесися Господи, силою Твоею, / воспоем и поем силы Твоя.

**Чтец:** *Стих:* Господи, силою Твоею возвеселится царь.

**Лик:** Вознесися Господи, силою Твоею, / воспоем и поем силы Твоя.

**Чтец:** Вознесися Господи, силою Твоею,

**Лик:** воспоем и поем силы Твоя.

**Затем диакон возглашает:** Повелите.

*Священник, держа обеими руками свечу и кадило и начертывая ими крест, возглашает, взирая на восток:* Премудрость, прости.

*И затем обратившись на запад к народу, лежащему ниц:* Свет Христов просвещает всех.

**Чтец:** Притчей чтение.

**Диакон:** Вонмем.

**Чтец:** Бог премудростию основá зéмлю, уготóва же небесá рáзумом. В чýвстве Егó бéздны разверзóшася, óблацы же источíша рóсу. Сýне да не преминéши, соблюди́ же мой совет, и мысль. Да живá бóдет душá твоя́, и благодáть бóдет на твоéй вóи: бóдет же исцелéние плóтем твоим, и уврачевáние костéм твоим: Да хóдиши надéйся в мíре во всех путéх твоих, ногá же твоя́ не пóткнется. Áще бо сядеши, безбóязнен бóдеши, áще же поспíши слáдостно поспíши. И не убóишися стрáха нашédшаго, ниже устремлéния нечестíвых находя́щаго. Госпóдь бо бóдет на всех путéх твоих, и утверди́т нóгу твою́, да не поползнéшися. Не отрeцýся благотвори́ти трéбующему, егдá имать рука́ твоя́ помогáти. Не рцы: отшéd возвратíтся, и заўтра дам, сíльну ти сýщу благотвори́ти: не вéси бо что породíт находя́щий день. Не соплетáй на дрóуга твоегó зла, пришéльца сýща и упова́юща на тя. Не враждуй на человекá тóне, да не что на тя содеет злоé. Не стяжи́ злых мужéй поношéния, не возревну́й путéм их. Нечíст бо пред Гóсподем всяк законопрестúпник и с прáведными не сочетава́ется. Кля́тва Госпóдня в домéх нечестíвых: дворы́ же прáведных благословля́ются. Госпóдь гóрдым протíвится: смиренным же даéт благодáть.

**Диакон:** Премудрость.

**Чтец:** Бытия́ чтение.

**Диакон:** Вонмем.

**Чтец:** Изы́де Иáков от студенца́ кля́твеннаго и íде в Харра́нь. И обрeте мéсто, и спа тáмо: зáйде бо сóлнце, и взят от кáмения мéста тогó, и положи́ возгла́вие себе́, и спа на мéсте óном. И сон вíде. И се лéствица, утверждéна на землí, ея́же главá досязáше до небéс, и Áнгели Бóжии восхожда́ху и низхожда́ху по ней. Госпóдь же утвержда́шеся на ней и речé: Аз Бог Авраáмов, отцá твоегó, и Бог Исаáков, не бóйся: земл́я, иде́же ты спи́ши на ней, тебе́ дам ю́ и сéмени твоему́. И бóдет сéмя твоé, я́ко песóк земный, и распространíтся на мóре, и лíву, и сéвер, и на востóки; и возблагословя́тся о тебе́ вся колéна земна́я и о сéмени твоём. И се Аз с тобóю, сохраня́яй ты на всяком путí, áможе áще пóйдеши. И возвращу́ ты в зéмлю сию́, я́ко не íмам тебе́ оста́вити, дóндеже сотвори́ти Ми вся, ели́ка глаго́лах тебе́. И востá Иáков от сна своегó, и речé: я́ко есть Госпóдь на

мѣсте сем, аз же не вѣдех. И убояся, и рече: яко страшно мѣсто сие; несть сие, но дом Божий и сия врата Небесная.

**Диакон:** Премудрость.

**Чтец:** Исхода чтѣние.

**Диакон:** Вонмем.

**Чтец:** Моисей бѣше пасый овцы Иофора, тѣстя своего, священника Мадиамска, и гнаше овцы в пустыню; и прииде в гору Божию Хорив. Явися же ему Ангел Господень в пламени огненне из купины; и видит, яко купина горит огнем, купина же не сгараше. Рече же Моисей: мимошед, увижду видѣние великое сие, яко не сгарает купина. Егда же виде Господь, яко приступает видети, воззва его Господь из купины, глаголя: Моисее, Моисее. Он же рече: что есть, Господи? Он же рече: не приближайся семо; изуй сапоги от ног твоих: мѣсто бо, на немже ты стоиши, земля святая есть.

**Диакон:** Премудрость.

**Чтец:** Исхода чтѣние.

**Диакон:** Вонмем.

**Чтец:** Обведе Бог люди путем, иже в пустыни к Черному морю: пятаго же рода изыдоша сынове Израилевы от земли Египетския. И взя Моисей кости Иосифовы с собою, клятвою бо заклѣ Иосиф сыны Израилевы, глаголя: присещением присетит вас Господь, и изнесете отсюду кости моя с собою. Воздвигшеся же сынове Израилевы от Сокхофа, ополчшася во Офоме при пустыни. Бог же вождаше их: в день убо столпом облачным, показати им путь, нощию же столпом огненным светити им. И не оскуде столп облачный во дни, и столп огненный нощию пред всеми людьми.

**Священник:** Мир ти.

**Чтец:** И духови твоему.

**Диакон:** Премудрость.

### **«Да исправится молитва моя»**

*И поем Да исправится молитва моя: Пс.140:2,1,3-4 Во время пения все лежат ниц, предстоятель же, стоя у престола, кадит его, а потом жертвенник.*

**Чтец поет:** Да исправится молитва моя, / яко кадило пред Тобою, / воздеяние руку моею, / жертва вечерняя.

27 февраля. Пятница 1-й недели поста. Ёверской иконы Божией Матери

**Лик:** Да исправится молитва моя, / яко кадило пред Тобою, /  
воздеяние руку моею, / жертва вечерняя.

**Чтец, стих 1:** Господи, возвах к Тебе, услыши мя, / вонми гласу моления  
моего, / внегда воззвати ми к Тебе.

**Лик:** Да исправится молитва моя, / яко кадило пред Тобою, /  
воздеяние руку моею, / жертва вечерняя.

**Чтец, стих 2:** Положи, Господи, хранение устом моим, / и дверь огражде-  
ния о устнах моих.

**Лик:** Да исправится молитва моя, / яко кадило пред Тобою, /  
воздеяние руку моею, / жертва вечерняя.

**Чтец, стих 3:** Не уклони сердце мое в словеса лукавствия, / непщевати ви-  
ны о гресех.

**Лик:** Да исправится молитва моя, / яко кадило пред Тобою, /  
воздеяние руку моею, / жертва вечерняя.

**Чтец поет:** Да исправится молитва моя, / яко кадило пред Тобою.

**Лик поет:** Воздеяние руку моею, / жертва вечерняя.

*Затем, по обычаю, совершаем три поклона с молитвой:*

### **Молитва св. Ефрема Сирина**

**Священник:** Господи и Владыко живота моего, дух праздности, уныния, любо-  
началия, и празднословия не даждь ми. *(Поклон)*

Дух же целомудрия, смиренномудрия, терпения, и любви, даруй ми рабу Твое-  
му. *(Поклон)*

Ей, Господи Царю, даруй ми зрети моя прегрешения, и не осуждати брата мое-  
го, яко благословен еси во веки веков. *(Поклон)*

**Лик:** Аминь.

## **Литургия**

*Затем следующая ектения:*

27 февраля. Пятница 1-й недели поста. Ёверской иконы Божией Матери

### Ектенія сугубая

**Диакон:** Рцем вси от всея души, и от всего помышления нашего рцем.

**Лик:** Господи, помилуй.

Господи Вседержителю, Боже отец наших, молим Ти ся, услыши и помилуй.

**Лик:** Господи, помилуй.

Помилуй нас, Боже, по велицей милости Твоей, молим Ти ся, услыши и помилуй.

**Лик:** Господи, помилуй *(трижды)*.

Еще молимся о Великом Господине и отце нашем, Святейшем Патриархе Кирилле, и о всей во Христе братии нашей.

**Лик:** Господи, помилуй *(трижды)*.

Еще молимся о Богохранимей стране нашей, властех и воинстве ея, да тихое и безмолвное житие поживем во всяком благочестии и чистоте.

**Лик:** Господи, помилуй *(трижды)*.

Еще молимся о братьях наших, священницех, священномонасех, и всем во Христе братстве нашем.

**Лик:** Господи, помилуй *(трижды)*.

Еще молимся о блаженных и приснопамятных святейших патриарсах православных и создателях святáго хра́ма сегó, и о всех прежде почивших отцах и братьях, зде лежащих и повсюду, православных.

**Лик:** Господи, помилуй *(трижды)*.

Еще молимся о милости, жизни, мире, здравии, спасении, посещении, прощении и оставлении грехов рабов Божиих, братии святáго хра́ма сегó.

**Лик:** Господи, помилуй *(трижды)*.

Еще молимся о плодоносящих и доброденующих во святем и всечестнем храме сем, труждающихся, поющих и предстоящих людех, ожидающих от Тебе великия и богатыя милости.

**Лик:** Господи, помилуй *(трижды)*.

27 февраля. Пятница 1-й недели поста. Ёверской иконы Божией Матери

**Священник:** Яко милостив и Человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик: Аминь.**

### Ектенія об оглашенных

**Диакон:** Помолитесь, оглашеннии, Господеви.

**Лик: Господи, помилуй.**

Вернии, о оглашенных помолимся, да Господь помилует их.

**Лик: Господи, помилуй.**

Огласит их словом истины.

**Лик: Господи, помилуй.**

Открыет им Евангелие правды.

**Лик: Господи, помилуй.**

Соединит их святей Своей соборней и апостольстей Церкви.

**Лик: Господи, помилуй.**

Спаси, помилуй, заступи и сохрани их, Боже, Твоею благодатию.

**Лик: Господи, помилуй.**

Оглашеннии, главы ваша Господеви приклоните.

**Лик: Тебе, Господи.**

**Священник:** Да и тии с нами славят пречестное и великолепое имя Твое, Отца, и Сына, и Святаго Духа, ныне и присно, и во веки веков.

**Лик: Аминь.**

**И диакон возглашает:** Елицы оглашеннии, изыдите, оглашеннии изыдите, елицы оглашеннии, изыдите. Да никто от оглашенных, елицы вернии, паки и паки миром Господу помолимся.

**Лик: Господи, помилуй.**

*Так произносится только до среды четвертой седмицы Великого Поста.*

**Диакон:** Заступи, спаси, помилуй и сохрани нас, Боже, Твоею благодатию.

27 февраля. Пятница 1-й недели поста. Ёверской иконы Божией Матери

**Лик: Господи, помилуй.**

**Диакон:** Премудрость.

**Священник:** Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

**Лик: Аминь.**

**Диакон:** Паки и паки миром Господу помолимся.

**Лик: Господи, помилуй.**

*Когда священник служит один, он следующих (четырех) прошений не произносит:*

О свышнем мире и спасении душ наших, Господу помолимся.

О мире всего мира, благостоянии святых Божиих церквей и соединении всех, Господу помолимся.

О святем храме сем и с верою, благоговением и страхом Божиим входящих в онь, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

**Лик: Господи, помилуй.**

**Диакон:** Премудрость.

**Священник:** По дару Христа Твоего, с Нимже благословен еси, со Пресвятым и благим и животворящим Твоим Духом, ныне и присно, и во веки веков.

**Лик: Аминь.**

*И отверзаются святые двери.*

## **Великий вход**

**Лик поет:** Ныне Силы Небесныя с нами невидимо служат, / се бо входит Царь Славы, се жертва тайная совершена до- / риносится.

27 февраля. Пятница 1-й недели поста. Ёверской иконы Божией Матери

### После входа в алтарь

**Лик поет:** Верою и любовью приступим, / да причастницы жизни вечныя будем.// Аллилуиа, аллилуиа, аллилуиа.

*Затем, по обычаю, читается молитва св. Ефрема Сирина с тремя поклонами:*

### Молитва св. Ефрема Сирина

**Священник:** Господи и Владыко живота моего, дух праздности, уныния, любоначалия, и празднословия не даждь ми. *(Поклон)*

Дух же целомудрия, смиренномудрия, терпения, и любве, даруй ми рабу Твоему. *(Поклон)*

Ей, Господи Царю, даруй ми зрети моя прегрешения, и не осуждати брата моего, яко благословен еси во веки веков. *(Поклон)*

**Лик:** Аминь.

*Далее Царские врата закрываются и задергивается завеса наполовину. Диакон же выходит на обычное место и произносит прошения:*

### Ектения просительная

**Диакон:** Исполним вечернюю молитву нашу Господеви.

**Лик:** Господи, помилуй.

О предложенных и Преждеосвященных Честных Дарех, Господу помолимся.

**Лик:** Господи, помилуй.

Яко да Человеколюбец Бог наш, прием я во святой и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

**Лик:** Господи, помилуй.

О избавитися нам от всякия скорби, гнева и нужды, Господу помолимся.

**Лик:** Господи, помилуй.

Заступи, спаси, помилуй и сохрани нас, Боже, Твоею благодатию.

**Лик:** Господи, помилуй.

Вечера всего совершенна, свята, мирна и безгрешна, у Господа просим.

**Лик: Подай, Господи.**

Ангела мирна, верна наставника, хранителя душ и телес наших, у Господа просим.

**Лик: Подай, Господи.**

Прощения и оставления грехов и прегрешений наших, у Господа просим.

**Лик: Подай, Господи.**

Добрых и полезных душам нашим, и мира мірови, у Господа просим.

**Лик: Подай, Господи.**

Прочее время живота нашего в мире и покаянии скончати, у Господа просим.

**Лик: Подай, Господи.**

Христианския кончины живота нашего, безболезнены, непостыдны, мирны, и добраго ответа на страшнем судищи Христове просим.

**Лик: Подай, Господи.**

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

**Лик: Тебе, Господи.**

**Священник:** И сподоби нас, Владыко, со дерзновением, неосужденно смети призывати Тебе, Небеснаго Бога Отца, и глаголати.

**Лик: Отче наш, Иже еси на небесех, да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.**

**Священник:** Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

**Лик: Аминь.**

27 февраля. Пятница 1-й недели поста. Ёверской иконы Божией Матери

**Священник:** Мир всем.

**Лик:** И духови твоему.

**Диакон:** Главы наша Господеви приклоним.

**Лик:** Тебе, Господи.

**Священник:** Благодатию, и щедротами, и человеколюбием Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

**Лик:** Аминь.

**Диакон:** Вонмем.

**Возглашает священник:** Преждеосвященная Святая святым.

**Лик:** Един свят, / един Господь / Иисус Христос, / во славу Бога Отца. / Аминь.

**Лик:** Вкусите и видите, яко благ Господь. Аллилуиа, аллилуиа, аллилуиа.

### Причащение народа в храме

*Диакон, трижды поклонившись, отверзает Царские врата и, взяв святой Потир, произносит:* Со страхом Божиим и верою приступите.

**Лик же поет:** Благословлю Господа на всякое время, / хвала Его во устех моих.

**Перед причащением верных священник, по обычаю читает молитвы:** Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от нихже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститися пречистых Твоих Таинств, во оставление грехов и в жизнь вечную. Аминь.

**Таже:** Вечери Твоя тайныя днесь, Сыне Божий, / причастника мя приими; / не бо врагом Твоим тайну повем, ни лобзания Ти дам, яко Иуда, / но яко разбойник исповедаю Тя: / помяни мя, Господи, во Царствии Твоем.

27 февраля. Пятница 1-й недели поста. Ёверской иконы Божией Матери

Да не в суд или во осуждение будет мне причащение Святых Твоих Таин, Господи, но во исцеление души и тела.

*И приступают желающие причаститься один за другим, поклоняясь со всяким благоговением и страхом, имея руки, сложенными на груди. И принимает каждый Божественные Тайны. Священник же, причащая каждого произносит:*

Причащается раб Божий, *(имярек)*, честнаго и святаго Тела и Крове Господа и Бога и Спаса нашего Иисуса Христа, во оставление грехов своих и в жизнь вечную.

*И диакон отирает ему устне платом. И целует причастивыйся святую чашу, и поклонився отходит. И тако причащаются вси.*

### **По причащении**

**После причащения священник, благословляя народ, возглашает:** Спаси, Боже, люди Твоя и благослови достояние Твое.

**И лик поет:** Хлеб Небесный и Чашу Жизни вкусите/ и видите, яко благ Господь.// Аллилуиа, аллилуиа, аллилуиа.

*И, показав Святые Дары, священник, поклонившись, взяв святой Потир и обратившись к Царским вратам, взирая на народ произносит тайно:* Благословен Бог наш.

**И возгласно:** Всегда, ныне и присно, и во веки веков.

*И относит Святые Дары к жертвеннику.*

**Лик:** Аминь.

**Да исполнятся уста наша/ хваления Твоего Господи,/ яко да поем славу Твою,/ яко сподобил еси нас причаститься/ святым Твоим, Божественным, бессмертным и животворящим Тайнам,/ соблюди нас во Твоей святыни/ весь день поучатися правде Твоей.// Аллилуиа, аллилуиа, аллилуиа.**

**Диакон:** Прости приемше Божественных, святых, пречистых, бессмертных, небесных и животворящих, страшных Христовых Таин, достойно благодарим Господа.

**Лик:** Господи, помилуй.

27 февраля. Пятница 1-й недели поста. Ёверской иконы Божией Матери

Заступи, спаси, помилуй и сохрани нас, Боже, Твоею благодатию.

**Лик: Господи, помилуй.**

Вечера всего совершенна, свята, мирна и безгрешна испросивше, сами себе и друг друга, и весь живот наш Христу Богу предадим.

**Лик: Тебе, Господи.**

**Священник:** Яко Ты еси освящение наше, и Тебе славу возсылаем, Отцу, и Сыну, и Святому Духу, ныне и присно, и во веки веков.

**Лик: Аминь.**

**Священник:** С миром изыдем.

**Лик: О имени Господни.**

**Диакон:** Господу помолимся.

**Лик: Господи, помилуй.**

### **Молитва заамвонная, возглашаемая священником**

Владыко Вседержителю, иже всю тварь премудростию соделавый, и неизреченным Твоим промыслом и многю благию введый нас в пречестныя дни сия, ко очищению душам и телом, к воздержанию страстей, к надежди воскресения. Иже четырьдесятьми деньми скрижали вручив, богоначертанная писмена, угоднику Твоему Моисеови, подаждь и нам, Блаже, подвигом добрым подвизатися, течение поста совершити, веру нераздельну соблюсти, главы невидимых змиев сокрушити, победителем же греха явитися, и неосужденно достигнути поклонитися и святому воскресению. Яко благословися и прославися пречестное и великолепое имя Твое, Отца, и Сына, и Святаго Духа, ныне и присно, и во веки веков.

**Лик: Аминь.**

## **Чин благословения колива**

Псалом 142

**Чтец:** Господи, услыши молитву мою, внуши моление мое во истине Твоей, услыши мя в правде Твоей: и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвыя века. И уни во мне дух мой, во мне смятеся сердце мое. Помянух дни древния,

поучи́хся во всех дѣлах Твоих, в творѣнiих руку Твоею поучи́хся. Воздѣх к Тебе рѹце мои, душá моя, яко земля безводная Тебе. Скоро услы́ши мя, Гóсподи, исчезѣ дух мой, не отврати́ лица Твоего от Мене́, и уподоблюся низходя́щим в ров. Слы́шану сотвори́ мне заўтра мiлость Твою, яко на Тя упова́х. Скажи́ мне, Гóсподи, путь, вонъже пойду́, яко к Тебе взях дѹшу мою. Изми́ мя от враг мои́х, Гóсподи, к Тебе прибего́х. Научи́ мя творити волю Твою, яко Ты еси́ Бог мой. Дух Твой Благiй наста́вит мя на зѣмлю праву. Имене Твоего ра́ди, Гóсподи, живи́ши мя, правдою Твоею изведѣши от печáли дѹшу мою. И мiлостию Твоею потреби́ши враги́ моя и погуби́ши вся стужа́ющия души́ моей, яко аз раб Твой есмь.

Сла́ва Отцѹ и Сы́ну и Свято́му Дѹху, и ны́не и прiсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. *(Трижды)*

**Диакон:** Бог Господь, и явiся нам, благословѣн Грядый во iмя Господне.

Исповѣдайтесь Гóсподеви яко Благ, яко в век мiлость Его́.

**Лик:** Бог Господь, и явiся нам, благословѣн Грядый во iмя Господне.

**Диакон:** Обышѣдше обыдо́ша мя, и iменем Господним противля́хся им.

**Лик:** Бог Господь, и явiся нам, благословѣн Грядый во iмя Господне.

**Диакон:** Не умру́, но жив бѹду, и пове́м дела́ Господня.

**Лик:** Бог Господь, и явiся нам, благословѣн Грядый во iмя Господне.

**Диакон:** Ка́мень его́же небрего́ша зижду́щи, сей бысть во главѹ ўгла: от Гóспода бысть сей, и есть дiвен во очесѣх на́ших.

**Лик:** Бог Господь, и явiся нам, благословѣн Грядый во iмя Господне.

*При пении тропарей диакон совершает каждение колива*

**Тропарь, глас 2**

Вёлия вёры исправлёния,/ во истóчнице пла́мене, я́ко на  
водё упокоёния,/ святýй мýченик Феóдор ра́довашеся:/ ог-  
нём бо всесожжéгся,/ я́ко хлеб слáдкий Трóице принесéся.//  
Тогó молítвами, Христé Бóже, спасí дýши нáша.

Слáва Отцý и Сýну и Святóму Дýху.

Вёлия вёры исправлёния,/ во истóчнице пла́мене, я́ко на  
водё упокоёния,/ святýй мýченик Феóдор ра́довашеся:/ ог-  
нём бо всесожжéгся,/ я́ко хлеб слáдкий Трóице принесéся.//  
Тогó молítвами, Христé Бóже, спасí дýши нáша.

И ны́не и прíсно и во вёки векóв. Амíнь.

**Богородичен:** Вся пáче смýсла,/ вся преслáвная Твоя́, Бо-  
городице, та́инства,/ чистотé запечáтанной, и дёвству хра-  
н́иму,/ Мáти позна́лася ес́и нелóжна,/ Бóга рóждши й́стинна-  
го.// Тогó моли́ спаст́ися душáм нáшим.

**Псалом 50**

**Чтец:** Помíлуй мя, Бóже, по вели́цей мíлости Твоей, и по мнóжеству щед-  
рót Тво́их очíсти беззакóние мое. Наипáче омýй мя от беззакóния моего́,  
и от грехá моего́ очíсти мя. Я́ко беззакóние мое аз знáю, и грех мой предо  
мнóю есть в́ину. Тебе ед́ному согреш́их и лука́вое пред Тобою сотвор́их,  
я́ко да оправд́ишия во словесéх Тво́их, и побед́иши, внегда́ судíти Ти.  
Се бо в беззакóниих зачáт есмь, и во гресéх родí мя мáти моя. Се бо  
й́стину возлюб́ил ес́и, безвёстная и та́йная премýдрости Твоея́ явил ми  
ес́и. Окроп́иши мя иссо́пом, и очíщуся, омýеши мя, и пáче снёга убелю́ся.  
Слýху моему́ дáси рáдость и весéлие, возра́дуются кóсти смирен́ныя. От-  
врати́ лице́ Твое от грех моих и вся беззакóния моя очíсти. Сёрдце ч́исто  
созíжди во мне, Бóже, и дух прав обнови́ во утрóбе моей. Не отвер́жи ме-  
не́ от лица́ Твоего, и Дýха Твоего Свята́го не отымí от Менé. Возда́ждь ми  
рáдость спасёния Твоего, и Дýхом Влады́чним утверди́ мя. Научú безза-  
кóнныя путём Тво́им, и нечест́ивии к Тебе обрат́ятся. Избáви мя от кро-

27 февраля. Пятница 1-й недели поста. Ёверской иконы Божией Матери

вэй, Бóже, Бóже спасёния моего, возрадуется язык мой правде Твоей. Гóсподи, устнё мои отвёрзеши, и уста моя возвестят хвалу Твою. Яко аще бы восхотёл еси жёртвы, дал бых ўбо: всесожжёния не благоволиши. Жёртва Бóгу дух сокрушён: сёрдце сокрушённо и смирённо Бог не уничижит. Ублажи, Гóсподи, благоволением Твоим Сиона, и да созиждутся стёны Иерусалимския. Тогда благоволиши жёртву правды, возношение и всесожегаемая; тогда возложат на олтар Твой тельцы.

### Песнь 1

**Ирмос, глас 8:** Вóду прошёд яко сўшу,/ и египетскаго зла избежав,/ израильтянин вопияше:// избáвителью и Бóгу нáшему пойм.

**Лик:** Припев: Святы́й великомучениче Феóдоре, моли́ Бóга о нас.

**Священник:** Бóжия ты рачителя, Феóдоре, вёдый, и любóвию неизбежною твоёю запёлся, дўшу же и тёло, и словеса́ похвал возлагаю.

**Лик:** Святы́й великомучениче Феóдоре, моли́ Бóга о нас.

**Священник:** Писáшеся повелёние богомёрзкое, жёртву идолом, а не живóму Бóгу приносíti: но приведён был еси́, не пожрай, страстотёрпче, Бóгу же имый приведён бýти.

**Лик:** Сла́ва Отцў и Сýну и Свято́му Дўху.

**Священник:** Рачением Божёственным пригвождён, Бóга Вышняго Сýну Единорóдному, Феóдоре мучениче, ввоинился еси́, и по́честей не погрешил еси́.

**Лик:** И ны́не и прýсно и во вёки веко́в. Амíнь.

**Священник:** Чýни Тя А́нгелов и челове́ков, Безневёстная Ма́ти, восхваляю́т непреста́нно: Содётеля бо сих яко Младёнца, во объятиих Твои́х носила еси́.

### Песнь 3

**Ирмос, глас 8:** Ты еси́ утверждёние/ притека́ющих к Тебе́, Гóсподи,/ Ты еси́ Свет омрачённых,// и поёт Тя дух мой.

**Лик:** Святы́й великомучениче Феóдоре, моли́ Бóга о нас.

27 февраля. Пятница 1-й недели поста. Ёверской иконы Божией Матери

**Священник:** Пёние из устен моёх, и из болёзненныя души мольбу́ приношу́, ю́же ущёдри, страстотёрпче Феодоре.

**Лик:** Святы́й великомучениче Феодоре, моли́ Бóга о нас.

**Священник:** Плоть покорил еси́ самодёржцу, славне мучениче, уму́, и обóими угожда́еши Созда́вшему.

**Лик:** Сла́ва Отцу́ и Сы́ну и Свято́му Духу.

**Священник:** Стал еси́ на суди́щи мучи́тельском, Христа́ Царя́ богослóвья: жрёти бо сквёрным отрёлся еси́, Феодоре.

**Лик:** И ны́не и прёсно и во ве́ки веко́в. Ами́нь.

**Священник:** Тя вси стяжа́хом прибёжище и стёну прёсно христиа́не: Тя славо-сло́вим немóлчно, Безневёстная.

#### Песнь 4

**Ирмос, глас 8:** Услы́шах, Го́споди,/ смотре́ния Твоего́ та́инство,/ разуме́х дела́ Твоя́// и просла́вих Твое́ Божество́.

**Лик:** Святы́й великомучениче Феодоре, моли́ Бóга о нас.

**Священник:** Та́ин Божёственных вкуси́в, в ра́зуме, мучениче Феодоре, непосты́дную про́поведь Бóжия рождёния испове́дал еси́.

**Лик:** Святы́й великомучениче Феодоре, моли́ Бóга о нас.

**Священник:** Стра́стное божество́ непщева́ху, страсте́м служа́щи, ихже Духом изобличил еси́, страда́льче Феодоре, просвеща́емь.

**Лик:** Сла́ва Отцу́ и Сы́ну и Свято́му Духу.

**Священник:** Изба́вителя моли́твою, тебе́ воспева́ющим, блаже́нне Феодоре, от разли́чных обстоя́ний и страсте́й бы́ти мо́лим.

**Лик:** И ны́не и прёсно и во ве́ки веко́в. Ами́нь.

**Священник:** Клас возрасти́вшая животворя́щий, Неора́нная Ни́во, подаю́щий ми́рови жизнь, Богоро́дице, спаси́ пою́щия Тя.

**Песнь 5**

**Ирмос, глас 8:** Утреннююще, вопиём Ти:/ Гóсподи, спаси ны,/ Ты бо еси Бог наш,// разве Тебё, ино́го не ве́мы.

**Лик:** Святы́й великомучениче Феодоре, моли́ Бóга о нас.

**Священник:** Любите возлюбившаго Гóспода, возглашáл еси́, страдáльче Феодоре, страждущим с тобою́ мучеником.

**Лик:** Святы́й великомучениче Феодоре, моли́ Бóга о нас.

**Священник:** Яко ревно́стию, страсотёрпче, разжизáяся сёрдцем, богиню́ лжеименитую́ с трéбищем попалил еси́.

**Лик:** Сла́ва Отцу́ и Сы́ну и Свято́му Духу.

**Священник:** Си́лою непобедимо́ю, Феодоре, страсотёрпче, ва́рварскую дерзость и моя́ стра́сти погуби́.

**Лик:** И ны́не и присно́ и во ве́ки веко́в. Ами́нь.

**Священник:** Де́ву по рождестве́ поём Тя, Богородице: Ты бо Бóга Сло́ва плóтию ми́рови родила́ еси́.

**Песнь 6**

**Ирмос, глас 8:** Очи́сти мя, Спа́се,/ мно́га бо беззакóния моя́,/ и из глубины́ зол возведи́, молю́ся,/ к Тебё́ бо возопих, и услы́ши мя,// Бóже спасёния моего́.

**Лик:** Святы́й великомучениче Феодоре, моли́ Бóга о нас.

**Священник:** Коль сла́бое, ко́ль немощно́е бого́в сýетных шата́ние, на отмщё́ние своё, челове́ком моля́шеся в стоя́нии побежда́емое, нелóжных мучеников, проповёдающих и́стину.

**Лик:** Святы́й великомучениче Феодоре, моли́ Бóга о нас.

**Священник:** Коль сла́бое, ко́ль немощно́е бого́в сýетных шата́ние, на отмщё́ние своё, челове́ком моля́шеся в стоя́нии побежда́емое, нелóжных мучеников, проповёдающих и́стину.

**Лик:** Сла́ва Отцу́ и Сы́ну и Свято́му Духу.

27 февраля. Пятница 1-й недели поста. Ёверской иконы Божией Матери

**Священник:** Укрепівся сілою Бóжиею, мучеников славо, Феодоре, мўки злочестівых, младенец стреляннн зрел есі, блаженне, вѣчнующе бѣдущих предзрѣ.

**Лик:** И ныне и прїсно и во вѣки веков. Амїнь.

**Священник:** Да избавимся от лютых прегрешений молитвами Твоими, Богородительнице Чїстая, и да улчїм, Всечїстая, Божественнаго осияннн, из Тебѣ неизреченно воплотївшагося Сына Божия.

Господи, помїлуй. *(Трижды)*

Слава Отцѣ и Сыну и Святому Духу, и ныне и прїсно и во вѣки веков. Амїнь.

### Кондак, глас 8

Вѣру Христову яко щит внутрь прїем в сердце твоём, противныя сілы попрал есі, многострадальче, и венцем небесным венчался есі вѣчно, Феодоре, яко непобедимый.

### Песнь 7

**Ирмос, глас 8:** От Иудеи дошедше, отроцы/ в Вавилоне иногда/ верою Троическою пламень пещный попраша, поюще:// отцев Бóже, благословен есі.

**Лик:** Святыи великомучениче Феодоре, моли Бóга о нас.

**Священник:** Уранен был есі телом за ураненнаго Слова плотию нас ради, и Сему благодарственно веселяся возопил есі, стратотерпче Феодоре: отец наших Бóже, благословен есі.

**Лик:** Святыи великомучениче Феодоре, моли Бóга о нас.

**Священник:** Яко во гробе положися, и волею запечатлѣся Избавителю всех, в темнице запечатленной вселился есі, вопия, стратотерпче Феодоре: отец наших Бóже, благословен есі.

**Лик:** Святыи великомучениче Феодоре, моли Бóга о нас.

**Священник:** Умерщвлен быв, и страсти плотскїя произволением оттряс, не снѣдию, стратотерпче, но любовию Божественною питаюся, пел есі: отец наших Бóже, благословен есі.

**Лик:** Слава Отцу и Сыну и Святому Духу.

**Священник:** В темнице, страсотерпче, якоже в пещи юноши иногда, Един не-  
тлѣнная Троицы, тебѣ укрепляет виден быв, вопиюща: отец наших, Божѣ,  
благословѣн еси.

**Лик:** И ныне и присно и во веки веков. Аминь.

**Священник:** Наше спасѣние, якоже восхотѣл еси, Спасе, устроити, во утробу  
Дѣвы вселился еси, Юже миру Предстательницу показал еси: отец наших,  
Божѣ, благословѣн еси.

### Песнь 8

**Ирмос, глас 8:** Седмерицею пещь/ халдѣйский мучитель/  
Богочестивым неистовно разжжѣ,/ силою же лучшею спасѣ-  
ны, сия видев,/ Творцу и Избавителю вопиаше:/ отроцы,  
благословите,/ священницы, воспойте,// людие, превозно-  
сите во вся веки.

**Лик:** Святой великомучениче Феодоре, моли Бога о нас.

**Священник:** Ослеплен умом беззаконных начальник, богочестиву тебѣ нече-  
стивно претяше: что все на Человека нудею умерша, безумне, возложил еси  
надѣжду? но ты возопил еси: отроцы, благословите, священницы, воспойте,  
людие, превозносите во вся веки.

**Лик:** Святой великомучениче Феодоре, моли Бога о нас.

**Священник:** Яко смысленный, и премудрый строитель благодати, данною тебѣ  
от Бога благодатию возопил еси, Феодоре, повелевающему нечестивно: сей  
студ мне и поющим буди: отроцы, благословите, священницы, воспойте,  
людие, превозносите во вся веки.

**Лик:** Слава Отцу и Сыну и Святому Духу.

**Священник:** Юношески подвизался еси, дерзостно изобличил еси: что безум-  
ствуеши, мучителю, взывал еси, повелевая тварем служити ложно,  
оставльшим Создавшего? но аз воспеваяю: отроцы, благословите, священницы,  
воспойте, людие, превозносите во вся веки.

**Лик:** И ныне и присно и во веки веков. Аминь.

27 февраля. Пятница 1-й недели поста. Ёверской иконы Божией Матери

**Священник:** Плотскими изображенными, и различными ганаии, и знаменательными и образительными изреченными, Твое предвещаху богоглаголивии рождество, преестественное и чудное, Дево: темже Тя, веселящаяся, благочестно восхваляем, Христа превозносяще во вся веки.

### Песнь 9

**Ирмос, глас 8:** Тя, Неискусобрачную Матерь Бóга Вьшняго,/ Тя, паче ума рóждшую Сло́вом воистинну Бóга,/ вьшшую пречистых сил,// немóлчными славословлении велича́ем.

**Лик:** Святы́й великомучениче Феодоре, моли́ Бóга о нас.

**Священник:** Вещество мучения твоего, Бóжие, Феодоре, желание. Темже ти и вещество бысть вещественному телу огню: имже к Божественному радуясь огню изшел еси, страстотерпче угодниче Бóжий Феодоре.

**Лик:** Святы́й великомучениче Феодоре, моли́ Бóга о нас.

**Священник:** Мучениче всечестне, попалив не попалился еси: ты бо прелесть попалил еси, Бóгу же предстоиши живый, и в нем мученически веселяся, страстотерпче и угодниче Феодоре.

**Лик:** Сла́ва Отцу́ и Сы́ну и Свято́му Ду́ху.

**Священник:** Единого Тя знаем Христа, единого от Троицы, во двою совершенну естеству, люди Твоя спаси сия, яже стяжал еси Честною Твоею Кро́вию, Феодора страстотерпца молитвами.

**Лик:** И ны́не и пр́сно и во ве́ки веко́в. Ами́нь.

**Священник:** Тя, невидимаго Бóга носившую объяти, на небесех воспеваемого от всея силы, и Тобою нам даруемое выну спасение во обстоянии, велича́ем.

**Ирмос, глас 8:** Тя, Неискусобрачную Матерь Бóга Вьшняго,/ Тя, паче ума рóждшую Сло́вом воистинну Бóга,/ вьшшую пречистых сил,// немóлчными славословлении велича́ем.

**Чтец:** Святы́й Бóже, Святы́й Кре́пкий, Святы́й Безсме́ртный, поми́луй нас. (Трижды)

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Пресвята́я Тро́ице, поми́луй нас; Го́споди, очисти грехи́ на́ша; Влады́ко, прости́ беззако́ния на́ша; Святы́й, посети́ и исцели́ немо́щи на́ша, имене Твоего́ ра́ди.

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

О́тче наш, Ёже еси́ на небесе́х! Да святѣтся и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насу́щный даждь нам днесь; и оста́ви нам до́лги на́ша, я́коже и мы оставя́ем должнико́м на́шим; и не введи́ нас во искуше́ние, но изба́ви нас от лука́ваго.

**Священник:** Я́ко Твое́ есть Ца́рство и си́ла и сла́ва, Отца́ и Сы́на и Свята́го Ду́ха, ны́не и прѣсно и во ве́ки веко́в.

**Чтец:** Ами́нь.

### Тропарь святаго, глас 2

Ве́лия ве́ры исправле́ния,/ во исто́чнице пла́мене, я́ко на воде́ упоко́ения,/ святы́й му́ченик Фео́дор ра́довашеся:/ огнём бо всесо́жжегся,/ я́ко хлеб сла́дкий Тро́ице принесёся.// Того́ моли́твами, Христе́ Бо́же, спаси́ ду́ши на́ша.

Сла́ва Отцу́ и Сы́ну и Свято́му Ду́ху.

### Кондак, глас 8

Ве́ру Христо́ву я́ко щит внутрь при́ем в се́рдце твоём,/ про́тивныя си́лы попра́л еси́, многострада́льче,// и венце́м небесным венча́лся еси́ ве́чно, Фео́доре, я́ко непобеди́мый. И ны́не и прѣсно и во ве́ки веко́в. Ами́нь.

**Богородичен, глас 8:** Я́коже предста́тельство вси, и держа́вное заступле́ние прегре́шшии стяжа́хом, Всечѣ́стая,/ Твою́

**тёплую по́мощь, Дёво Ма́ти Мари́е, христиа́н спасёние.// Тем не престáй о нас моля́щи Спа́са, дарова́тися прощёнию.**

**Диакон:** Го́споду помóлимся.

**Лик:** Го́споди, помíлуй.

**Священник:** Вся соверши́вый слóвом Твоём, Го́споди, и повелёвый земли́ много́различныя прозяба́ти плоды́, в наслажде́ние и пи́щу на́шу, Ёже се́менми три о́троки, и Дани́ила, су́щия в Вавило́не, сластнопита́нных свётлшия показáвый: Сам Всеблагíй Царю́, и се́мена сиа́ с различными плоды́ благословíи, и от них вкуша́ющия освяти́, я́ко в сла́ву Твою́, и в честь свята́го великомученика Фе́одора Тíрона, сиа́ предложíшася от Твои́х рабо́в, и в па́мьть во благочестíвой ве́ре сконча́вшихся. Пода́ждь же, Бла́же, благоукра́сившим сиа́, и па́мьть соверша́ющим, вся я́же ко спасёнию проше́ния, и вёчных Твои́х благ наслажде́ние: моли́твами Пречи́стыя Влады́чицы на́шея Богоро́дицы и Присноде́вы Мари́и, и свята́го великомученика Фе́одора Тíрона, его́же и па́мьть соверша́ем, и всех свята́х Твои́х: я́ко Ты еси́ благословля́яй, и освяща́яй всяческая, Бо́же наш, и Тебе́ сла́ву возсыла́ем Безнача́льному Отцу́, со Единоро́дным Твоём Сы́ном и Пресвяты́м и Благи́м и Животворя́щим Твоём Ду́хом, ны́не и прíсно и во ве́ки веко́в.

**Лик:** Аминь.

**Лик:** Буди имя Господне благословенно от ныне и до века.

**(Трижды)**

### Псалом 33

**Чтец:** Благословлю Господа на всякое время, выну хвала Его во устех моих. О Господе похвалится душа моя, да услышат кротцыи и возвеселятся. Возвеличите Господа со мною и вознесем имя Его вкупе. Взысках Господа и услыша мя, и от всех скорбей моих избави мя. Приступите к Нему и просветитесь, и лица ваша не постыдятся. Сей нищий воззва, и Господь услыша и, и от всех скорбей его спасе и. Ополчится Ангел Господень окрест боящихся Его, и избавит их. Вкусите и видите, яко благ Господь; блажен муж, иже уповае на Нь. Бойтесь Господа, вси святии Его, яко несть лишения боящимся Его. Богатии обнищаша и взалкаша, взыскающии же Господа не лишатся всякаго блага. Приидите, чада, послушайте мене, страху Господню научу вас. Кто есть человек хотяй живот, любяй дни видети благи? Удержи язык твой от зла, и устне твои, еже

не глаголати лъсти. Уклонися от зла, и сотвори благо. Взыщи мира, и по-  
жени и. Очи Господни на праведныя, и уши Его в молитву их. Лице же  
Господне на творящия злая, еже потребити от земли память их. Воззваша  
праведнии, и Господь услыша их, и от всех скорбей их избави их. Близ  
Господь сокрушенных сердцем, и смиренныя духом спасет. Многи скорби  
праведным, и от всех их избавит я Господь. Хранит Господь вся кости их,  
ни едина от них сокрушится. Смерть грешников люта, и ненавидящии  
праведнаго прегрешат. Избавит Господь души раб Своих, и не прегрешат  
вси, уповающии на Него.

*Священник же выходит из алтаря и раздает антидор.*

*По окончании же псалма, священник:* Благословение Господне на вас, Того  
благодатию и человеколюбием, всегда, ныне и присно, и во веки веков.

**Лик:** Аминь.

**Священник:** Слава Тебе, Христе Боже, упование наше, слава Тебе.

**Лик:** Сла́ва, и ны́не. Господи, помилуй, *(Трижды)*. Благосло-  
ви.

### Отпуст

Христос Ёстинный Бог наш, моли́твами Пречи́стыя Своея́ Ма́тере, святы́х сла́в-  
ных и всехва́льных Апóстол, святы́х сла́вных и добропобéдных мýчеников, пре-  
подóбных и богонóсных отéц на́ших, иже во святы́х отцá на́шего Григóрия  
Двоеслóва, Па́пы Рíмскаго, вмч. Феóдора Тíрона, святы́х пра́ведных Богоотéц  
Иоакíма и А́нны, и всех святы́х, помíлуеет и спасéт нас, я́ко Благ и Человеко-  
любец.

### Многолетие

**Лик:** Вели́каго господíна и отцá на́шего Кири́лла,/ Святéй-  
шаго Патриáрха Москóвскаго и всея́ Рýси,/ богохранíмую  
странú на́шу Россíйскую,/ настоя́теля, бра́тию и прихóжан  
свята́го хра́ма сегó,/ и вся правосла́вныя христиáны,//  
Гóсподи, сохрани́ их на мно́гая лéта.